

Escrito por Redaccion @valminorinfo
Martes, 24 Xuño 2014 13:10



Cun orzamento base de case 80 mil euros anuais, o Concello de Gondomar convocou un procedemento aberto para presentar ofertas cara a adxudicación do servizo de mantemento e conservación das zonas verdes, arborado e xardíns públicos do municipio. A convocatoria ten lugar 5 anos despois de rematada a última adxudicación, que dende 2009 fixo que o servizo se cumprira con varias empresas contratadas de xeito directo pola administración.

Unha irregularidade que levou a que a fiscalía en base a unha denuncia do edil nacionalista Pauliño del Río puxese ao alcalde Fernando Guitián fronte aos tribunais, por unha presunta prevaricación administrativa. Caso que [fora arquivado e decretado o sobresemento do alcalde](#) o pasado mes de maio, ao comprobar a xustiza que Guitián intentou dende 2012 impulsar o devandito procedemento de contratación para dar solución á irregularidade.

Tras a súa [publicación no diario oficial da provincia](#), a convocatoria preséntase cun valor estimado de 79.997,93 euros anuais que serán adxudicados a oferta económica e de servizo máis ventaxosa a opinión da administración.